

72539

舊志序  
歷修姓氏  
方言略

新絳縣志

卷首至卷一

民國十七年戊辰

新絳縣志

太原崇實印刷所印

新絳縣志

目錄

卷首

序

舊志序

歷修姓氏

縣境全圖

城郭圖

第一區域圖

第二區域圖

新絳縣志

卷一

目錄

一

第三區域圖

第四區域圖

附

圖

城郭圖十景圖

卷一  
計畧

方言略

卷二

疆域畧

溝洫略

賦稅略

卷三

丁役略

禮俗略

生業略

物產略

氏族略

兵防略

卷四 計傳六

名賢傳

名宦傳

卷五

新絳縣志 卷一 目錄

一一

文儒傳

孝義傳

卷六

列女傳

雜傳

卷七 計表三

官師表

選舉表

學校表

卷八 計考七

古蹟考

營建考

著述考

卷九

金石考

卷十

叢考

沿革考

舊聞考

新絳縣志

卷一

目錄

三

叙

絳在清以前爲州亦先有故絳新絳及南北絳之異稱民國紀元改州爲縣以避免與絳縣同名之嫌故定名新絳新絳縣志仍上續州志而稍變其體例舊志之編大抵皆詳於考古略於知今而於世道變遷民生榮枯或不甚措意絳自丁丑大禘已卯修志至今已逾五十年之期社會凡五十年必有一大變其屬於社會之人事士農工商其尤最大而且著者也昔之士隸於科舉今之士萃於學校吾絳科名夙不發達舉人同時生存者不能過十人進士則數十年僅一見博士弟子員額爲二十四歲科兩考應試者不過二百餘人自科舉制廢建設中校肄業中校者百餘人約得

新絳縣志

卷首

叙

一

往年應試之半數若併高小校肄業者合計則過之若以負笈并垣之人數與往年較則更過之而士習固無甚大變更也晚近以來士習張甚吾絳則多安於淳樸短於發揚絳自昔號稱理學藪考據詞章學亦不昌學校繼起分授科學然亦普通者多而專精者少故以今日研究科學之士與往昔沉溺制藝之士相衡其常識較前爲增進其專家亦未能較前爲特優蒸蒸日上全在後學此關於士學之興衰者一絳地非不宜農而本地產收之糧恒不敷本地居民之食歲常仰給於絳以南之大平原庚辰以還糧價甚賤地價亦甚賤而農民特窮歲終典質者絡繹不絕受病之原在自種鴉片而人染烟癖自鴉片禁種棉禾增植津海銷路大關

民無巨富而多小康然棉產增加穀產減少生計程度提高斗價較往年超數十倍習俗亦因之漸侈一遇旱荒蓋藏素虛饑饉立見此晉南通例而絳爲津商採棉之埠尤爲顯著根本救濟在興水利絳惟鼓堆泉水灌田之利爲最鉅汾水自東北繞至西南凡經七十里有淹沒之害無灌溉之利往者在東北鄉倡修復成渠引汾築壩屢修屢輟卒以渠底多係流沙公私虧損未能告成竟填渠滅迹至今鄉人相戒不敢復言開渠然經建設廳一再測量用吸水機新法確能有灌四萬餘畝之實效去歲建設廳猷丞廳長躬自赴絳招集紳董會議講明引汾澆田之利甚願吾鄉人之踴躍從事也此關於農業之得失者又其一絳無大工清胡聘之

新絳縣志

卷首

叙

一一

撫晉開商務局在絳之三林鎮創設紡織廠工未及半而資已全耗今大益紡紗廠乃踵其遺址而起實後來居上先大益而設廠者有榮昌毓華兩火柴工廠沿順城關一帶手工發展甚速屋比如櫛自成一街工與商本互相表裏而吾絳商業之興不純賴乎工晉以南惟絳爲有水運每歲秋冬陝船自渭河入黃轉汾以至絳春初西返而吾絳商業之興亦不純在乎水運改革以來陝局不靖鉅商多移集於絳絳遂爲津貨運輸陝甘之中樞故河東商務以絳爲冠迨軍事頻興商捐特重商業亦漸退然此不過一時之影響耳隴海路已抵豫之陝縣武漢之貨可直運陝甘商肆遂復集於晉南之解解之商由衰而漸盛絳之商恐極盛難爲繼矣

異日同蒲路成絳以在汾之西不能直接路線即自設支路無大補益然絳商欲維持其津海陝甘百貨轉運之利權亦惟同蒲路是賴至絳之商業與絳人之商於外者本分而爲二吾絳南鄉人向多商於北平西北鄉多商於陝甘今北平之商僅存什一陝甘之商亦因軍匪騷擾不無失業如同蒲隴海兩路能早日聯貫絳之商及商於外者仍以西北邊省爲其目的亦不易舍此而別闢商埠也此關於工商之盛衰者又其一總之絳之民生較前爲稍裕絳之禮俗較前爲更奢由奢而儉難由富而貧易補助民生以維持世道願吾鄉人士共注意及此將於再修縣志時證驗之民國十八年三月十五日絳人楊兆泰序

新絳縣志序

志何爲而作乎所以紀實而存真俾來者有所依據以明社會之變遷也社會情形十年一小變三十年一大變因之方志一書亦應循此公例經三十年而筆削一次絳志自光緒庚辰續修後距今五十年矣律以三十年筆削之例已覺後時况世運遞嬗變故迭生中經戊戌政變庚子拳亂辛亥起義歐洲大戰諸役其間文物章制民俗習尚經濟金融無不隨社會之變遷而多所革新此時不加纂集文獻將至無徵此外又有一義即民國紀元廢州改縣更名新絳循名核實事迹諸多不符刪訂更不容緩鄉人君子知是情也於是官紳合力省縣兼營自民國九年着手閱十年而造成治三十年來奔走衣食寄迹外省未得躬與其事稍盡棉薄撫衷滋慙曩宰舞浙曾經提倡修志終以政局樑杌或倡議未見實行或發端不克歲事回首前塵此心耿耿十八年返并適新志印刷將竣披閱一過體例更新記載詳備頗能存其真而明其變覺向之宦迹所經致力於彼而夙願未償者今於故里新志得觀厥成因綴數語於簡端以誌欣幸並表彰在事諸君子之賢勞而近代社會變遷尤劇異日存其真而明其變者則又賴乎繼起之作者矣

新絳縣志序

絳有志自前明正德始迄有清光緒初元上下數百年續修凡五次體例精詳蒐輯宏博自是厥後續者缺如蓋五十春秋矣豈元著超超游夏不能贊一辭耶抑哀定之間宜多微詞耶皆非也倡率者無人斯纂述者阻足耳雖然倡率纂述亦談何易哉民國六年武威郭吉人來宰絳陽奉令續修邑乘謀諸士紳僉以兵燹頻仍商民交困經費一時難籌爲諉議遂寢戊午年夏吳興徐純夫治絳下車伊始以邑乘有關文獻相沿殘闕不足以示來茲爰召紳會議釀資倡修其間設局編纂歷兩寒暑始訂有草稿復慮分手訪諮容有疏漏因寄原稿囑旅省諸縉紳互參攷訂辯訛析疑

新絳縣志

卷首

序

一

中更壬戌歲荒亟待賑預計印刷費用籌措未遑是稿擱置省垣者又幾易年華至甲子歲京兆周裕如抵任體察斯邦風土及大端建設核與舊志所載不無今昔之殊乃決計完成之于是力籌印費以期觀成第政以人存事因時易原稿中如官師學校選舉諸類因年遞嬗不無變更勢又不得不審慎討論當再與旅省校閱諸君往返磋商冀臻完善一輾轉間又費幾多時日最後議定各類事實均截至十五年夏而稿始大定官經三易時過十載僅乃成帙倡率纂述得不謂之難耶信乎昌黎之言莫爲之後雖美弗彰之不虛也今全書告竣付印有日矣周侯馳書來問序特識其崖略如此俾後人永矢勿替云爾是爲序

民國十五年歲次丙寅秋八月署理應縣知事東雍杜曜箕星南  
氏謹撰

新絳縣志

卷首

序

新絳縣志書叙

民國五六年間山西各縣紛紛以纂修志乘申請省政府省政府囑余草一簡章願爲程式當時局促新舊之間未能有所大更革也而秉筆者遽以爲不便曲沃之主志事者騰書爭論尤力余亦學逐年遷不以前所草訂者爲治意矣顧余之所不安者本以跡涉率舊而各縣之所不便者則以例近更新其後成書者不過八九縣大致遵用余之科條余蓋撫心滋愧也雖然志乘者國史之支流餘裔也條舉件繫細大不遺使來者有考焉斯已矣其或弘識孤懷之士施以義法而寫其衷藏如康海韓邦奇之爲者雖瑰奇可尙而資用反疏意者文章之謹嚴轉不如記載之翔實乎雕

新絳縣志

卷首

叙

一

木以爲象有寡過之道焉目欲其小鼻欲其大小非中于目之度大非合于鼻之程也謂其留餘地以與後之人俾能者有所藉手也淵旨微情特筆勝義夫豈不貴而事存乎人旣非草章程者所能指陳亦非事網羅者所當攀附然則此事雖未可輕言要在今日尙綽綽乎其有迴旋之地矣新絳于清故直隸州也屬縣凡五號爲晉南雄州民國之初天下州廳悉廢且革除縣名之複重者此州所屬故有絳縣以故改號新絳示與絳縣有別而新絳之爲地名固已見于春秋則所謂新者又非推彼爲舊而自居于新之謂舊志數經修述不能不兼包屬邑直隸州體制固然今志始界畫分明志事之不可緩者蓋以此書旣告成諸君子以余與聞筆

削委之叙言余蓋重有感也周官小行人自萬民之利害而下物爲一書每國辨異之以五物反命于王以周知天下之故蓋其事自有官守而後之人則歸其責于私家且必以邑人士總其成此疆爾界之情由是滋矣莊周曰飾小說以干縣令今世儒臬有引此文以譏切隆志乘於國史如章學誠諸人者志書固小說耶即曰小說其事遂可薄耶箸其事明其義國史之任也蓋其情狀不遺瑣屑小說之任也吳越春秋華陽國志目錄家箸在別史其實小說也其有引一端以成書者記荆楚則但及歲時記洛陽則但及伽藍亦其流矣中國小說不舉其職久矣賴有方志爲能述風俗以補禮教之窮記人物以備史官之擇而作之者不樂以小說

新絳縣志

卷首

叙

一一

自居不作者更復以小說相詆此寧非兩失乎歐美文章家經緯方邑之事以爲小說者甚多大則伊斐因之志紐約小則格士克夫人之志克蘭弗此固中國勝流所不屑稱道要其意可以參取也余于方志固主其變而未知所以變之之方所謂局促新舊之間者此也姑務廣其道焉或者賢于務約乎新絳之志視吾土各方之志已疑於新矣而揆之世界議論所趨則猶屬舊式耳要之以待來哲則亦可告無罪焉爾禹人目鼻之說諸君子其有意乎哉民國十八年一月晉城郭象升序

舊志序

王珂絳州志序

史志志事志人累多實載不失繁簡珂珍焉正德辛巳夏南屏李先生治絳四年命珂作絳志志成曰豈自信哉蓋將俟天下之裁取者以上續史志夫觀兩戒則慎分野作天文志疆理城隍山川田賦古蹟陵墓皆地理事作地理志民惟戶口徭役物如土產土貢各任徵庶者作民物志歷世沿染備觀風化作風俗志始建經略以率民如公府廨舍作建置志監往省後而注政作官司邦之先達知善貞守者作人才志州有王藩食下邑作封藩志復慮渙無統紀取邦畿內外之說而釐之以州內州屬書凡七卷總曰絳

新絳縣志

卷首

舊志序

三

州志志中采擇未當考閱未精事理缺謬而文例訛舛者補而正之尙賴後之君子云

孫光祜絳州志序

絳在昔爲晉都稱莫強子犯謂山河表裏是也古典具存人材輩出苟志有不備雖盛莫傳將太史歲月察四方曷採焉昔州太守貴溪李公慨文獻無徵屬上虞顏君爲之未果繼聘蒲坂王君撰次而絳志用成迄今五十年所字畫渺沒多不堪讀永寧山公以中州豪雋舉名進士選御史擢憲僉左傳以至今職未朞年政化大行士民允懷暇閱舊志欲加修輯會大計當入覲乃訪諸鄉士夫中得崑山趙君以志托焉君連舉進士令富平乃不肯折腰而

歸優游林下者幾三十年居恒吟嘯自娛著述正其所優爰考職方參與圖舊志繁蕪者刪之未備者增之旁摭故典時加裁酌自己卯冬至庚辰夏始克成編自之以地理終之以文藝凡山川之險夷物產之豐嗇民俗之好尚賢才之顯晦政治之臧否昭然如指諸掌君之用心於此爲大而太守公之所以嘉惠後人者與前人之聲頌並不朽矣

### 方立誠絳州志序

余自丁未春來守是州州故有志閱數過質以耳目覩記及史傳諸書間有未合且不無闕遺烏在其足以張絳也會當路謀修通志檄蒐舊編兼附時事蓋備採覽云余乃集師儒徵耆碩遠稽近

### 新絳縣志

#### 卷首

舊志序

四

考綱總目分脫稿盈尺計二十餘萬言以俟修通志者取精焉可也若遂執爲一州成書體裁謂何余披於案牘不及刪姑置之耳居二年拮据稍就緒暇與廣文黃君共緝向所脫稿如人物藝文刪其全者十之三存其略者十之七文極簡事未嘗不核也夫晉自士薦城絳歷世都之董狐稱史無亦以實錄有裨於風教乎志非史也而實錄具在不可謂非風教一助也豈直足以張絳已哉

### 劉顯第絳州志序

志亦史之一例耳晉平陽相乃舉而命史史可云志則州郡之有志誠如國之有史言事著而人文昭何可一日無筆記也我國家化洽重熙爰修治議文制之餘聿而纂集舊章予躬承聖治割有

茲土一方文獻責有攸屬安敢使化成之風猷不普徧於方州乎  
受事以來補隙苴漏起廢興衰日無違晷已五轉星杓矣閒嘗簿  
領餘閒遊藝翰藻取州志讀之竊念志修於萬歷己酉至今歲己  
酉天運一週此變而當革之時鼎而新之固其宜也迨一再披閱  
篇目錯亂增贅雜穢殊非當年舊本乃購求於故老之家前己酉  
所纂原本始獲一寓目焉雖體裁整飭燦然有章然闕略譌舛間  
亦有之如紀晉君則叙懷惠而遺景厲諸公書晉君而遺晉臣羊  
舌子趙文子絳有故里在焉而曾不一見揚揚譌爲魏人共父譌  
爲貢父潘駙馬摹勒法帖而不一著姓名若此者皆闕典也思欲  
修飭久矣今歲乃始謀之侍御孫公及諸鄉紳辟求文學之士蒐

新絳縣志

卷首

舊志序

五

集故實考訂羣書名賢鉅公孝義節烈皆據實而祥書之詩賦篇  
章約收其最舊志前賢之逸者補之世代姓字之譌者正之諸目  
之略者增之歷年之待叙者編次之其他所不可考不能知者亦  
姑闕之以俟博雅之君子考訂焉是役也始於己酉正月明年庚  
戌三月始克告竣雖未足稱爲善本然芟其雜冗正其淆亂穢肆  
之目吾知免矣或曰茲之所茲晉國之雄風霸圖之餘烈耳以之  
敷宣聲教助流德化無乃非醜則乎予曰子獨不聞唐風晉問之  
所陳乎今茅茨遺野耕鑿舊壤不猶是故帝輦轂之地乎銅鞮諸  
人譽著名卿不猶是尼山之所品藻乎訪勤儉之餘思弔夾輔之  
遺烈亦曰地在則然耳吾且與子上溯予采椽土劔之度溫恭克

讓師錫疇咨之道觀乎於變時雍之美餘夫昌言儆戒之訓無爲不言垂衣裳之化則即今之儉讓深謀和戒而恬以愉者不穆然見其餘休乎予恭逢聖化奉揚文治輯存典獻以爲潤色太平之萬一舉帝堯之所理上之以翊當仁舉晉國之風以一諸天下如是而已矣其或我朝創興之注錄有續一統疆域之書告成詢及下邑采采芻蕘將此斗大一區之紀載未必非金匱石室之一資云

孫錫齡絳州志後序

絳志何昉乎昉於正德辛巳州牧貴溪李公文潔睹絳志放失辟請蒲王文鳴孝廉珂之所作也前此見於一統志山西通志附其

新絳縣志 卷首 志序

六

略而不能詳舉其綱而未振其目經文鳴之載筆而一州乃有專志自後至萬歷庚辰而再修州牧永甯田公子堅式請嶧山趙公桐之所撰次也至於萬歷己酉而三修州牧太平方公立誠與廣文黃公一中文學韓公雲之所全纂也歷世相師燦然明備人文積而日盛篇帙累而彌光然因陵爲高冰寒於水不厭後來者之居上矣客歲己酉予欽假居里州大夫三韓劉公乃以修志詢及芻蕘予竊以公居官行政實與貴溪永甯太平三公異地同軌而起弊維衰百廢具舉又不啻倍蓰過之蓋見之於事則感被爲實政筆之於書則永傳爲信史敢謂文墨小技而唐突以應之乎夫志以紀實也大星地絡之精研人文物華之采選此博雅君子之